

Transkription von Urkunde HAL 1327b

Ort, Datierung: Halle, 1327-02-24

Signatur: Stadtarchiv Halle, II, Urk., 14 U 1 Nr. 14 [\[online\]](#)

Inhalt: Burchard greve tu Mansveld: Grundstücksverpfändung

Wie Burchard von der gnade godes greue tū mansveld Būsse / vn(de) Gheuehard vnse sone ,
bekenne(n) alle den die dissē ghege(n)w(er)digen / brif sien oder horen oppenlicke(n) tū be tūgende ,
dat wie den erbaren / lūden den scheppen , vn(de) den Ratma(n)nen vn(de) den andere(n) bürgeren /
gemeine in der stat tū halle hebben gesat dat Hūs tū gheueke(n)stin / vor eylf hundert marc
brandebūrsches siluer mede ¹ alsodaner / vnderschit , dat wie dat selue Hūs schollen losen vor dat selue
ghelt / also hir vorbescreuen stet , tū deme twelften die n tū kūmet vord ouer / ein jar , Dede wie des
nicht so scholde wie en dat selue Hūs mit deme / dat der tū hort antwerden in ore ledegen were , gie
scholle(n) auer vns / dat wis maken , swen wie en er ghelt weder ghieue(n) so scholden sie / vns dat
hūs weder antwerden mit alle deme dat der tū hort , Were / ock dat sie pe(n)ni(n)ghe bedorften , so
mūsten sie dat hūs wol vorsetten / sweme sie wolden , die schal vns des wis maken [...] ² wan vns dat /
Hūs weder dede tū losene vm alsodan gelt alset [...] ² is , Wer auer dat den vorbenūmeden bürger(en)
not were so mogen sie sick erwere(n) / von deme hūs vor aller malkeme an vnsen h(er)ren den bischop
von Mer/sebūrch , wir auer dat en die voget von deme selue(n) Hūs swie de(n)ne / wiere en nicht
behagede so scholde wie en mit oreme rade einen / anderen setten , vn(de) swie dar voget were die
schal dat weder sie / reden dat he en dat Hūs antwerde af wie is nicht enlosen vp die / vorghenante(n)
tyt , Were ock dat dat hūs verloren wūde des ghot / nicht welle , die wilet die burgh(er)e in orer hant
hedden , so scholle / wie en be hulpeth wesen also langhe went wie mit in dat hūs weder /
bekreftegeden , were ock dat an deme Hūs des būwes etwat tūviele / dat beteringe bedorfte , swat sie
dar an legghen dat sie bewise(n) moge(n) / dat schollen sie vp dat Hūs slan , vp ein orkunde disser
dinge so / hebbe wie mit vnser sone willen vnse Jnghesegele an dissē brif / ghehangen Disse brif is ge
gheuen na goddes gebort ouer dūsent / jar druhundert iar in deme souenvntwintegesten jare an sente /
mathieses daghe des heiligen Apostelen ,

¹ Zeile schlecht lesbar, Knick

² Urkunde beschädigt